



© David C. Cook Publishing Co.

PILIMON

In Bokar

ABSTRACT

Bokar Kristan g'iding hë, Sigë poonë yuunying hëm Bokarbo ngulu Tangsëh judë nakë. Hëbë igeyleftong mënno sin higëh logey long poonë poomong hëm bentoka. Bokar bo etchi mongnam go ija gabo sin mënno konggey long tangsih junë g'iding hëm benbi longyika hëlong mënno ngolu kumdënakë.

[Author name]

Bokar MTT

Poolgë

Pilimon mey higë mogey long gëmonam hë,

Chenna bo irop nam hë

Pilimon achi rungbo mïnggëngnë kristan goye yukë, Kolosai gë mïnggëngnë mi goye yukë holoka Onisimus hënam nyëpak gë ato yukë, Onisimus hënam nyëpak hë, ato dako ga ketgeylong Pool mey Rom dunglung lungjen gë patëk la kongpong ratoku. Holoka Pool nïng Onisimus mey kristan bo imotoku. Pool maï Pilimon mey nyëpak hëm longto kuka hëlong higë mogeylong gëmoto, holoka Kristo gë lïlennam nyëpak bolong kristan nïro bo longrik tokuka hëlong archo tapto.

Monir lennam hë

Chenna bo inam (1-3)

Pilimon mey hïrnam (4-7)

Onisimus gabo archo tabnam (8-22)

Benmey kunanë (23-25)

1

¹ Jisu mey mïnggëng koga dikpë tangnam Pool ngo long ngulugë nïro Timoti ngïnyi.

Ngulugë ajen bolong leygë ijen Pilimon nom mey ngo higë go mogey long gëmo danakë. ² Holoka ngulugë bïrmë Apia meylong ngulugë leygë ijen mami giyingbo inë Arkipus meylong nogë ugu holo kongpong ranam mondoli gidïng hëmsin ngïnyi poobo dato longkë hëdë nakë.

³ Mënnom ngulugë Abo Si long Pïnë Jisu Kristo ge sakpo nam hëmlong aiamar hëm bigë neyka.

Pilimon gë mïnggëngnam hël原因 ayangnam hë

⁴Ngo nom dibi yë hëm, Si mey hayika hëyëng danakë. ⁵Heygo igeylong hëbëning Sigë mi gïding hëm nogë ayangnam hëmlong Jisu Kristo mey nogë mïnggëng nam hëm ngo taagey longkë. ⁶Ngulu sin nogë ichombo mïnggëngnë hëkë kë, holoka Kristo mey pong geylong Kristo galo ngulugë apsanam hëm pongnam hëm ngulugë mïnggëng nam siniing nom chenbëk motokë hël原因 ngo dïidë nakë. ⁷Nïro hë, Sigë mi gïding hëm nogë ayangnam hë ngom achi rungbo henpo bolong hongpuk hëm tormo pakë, heygo igeylong hëbëning no sigë mi gïding hëm turbung daalëng geylong henpo monam hëkë.

Onisimos gabo Pool gë archo tapnam

⁸Hëbë igeylong, Kristo galo ibëla ngo nom isë hëm itokë hël原因 kuutey naakë. ⁹Hëbë ijagabo Kristo Jisu gabo patëk la churnam meykam Pool ngo nom ayang geylong poobo archo tapdë nakë. ¹⁰Onisimos maï ngogë horo gïyïngbo ida, heygo igeylong hëbëning maïm ngo patëk sol Kristo mey mïnggëng chom hëm laptom panakë, hëbë igeylong maïm turbung daalëng tokë hël原因 nom ngo archo tapdë nakë. ¹¹Onisimos lakëla nokëbo heygo sin pyomjey mongnë goye kë, hëbë ijagabo hëja ngïnyi gabo dinnam gobo idë kukë.

¹²Ngogë achi rungbo mïngbonam Onisimos mey hëja nogë dakobo tangkur daku nakë. ¹³Poonë yuunyïng benkoga ngom Patëk churko solo nogë sabbo ngom kënam yangnëbo kom patoyo mïngpey kë. ¹⁴Hëbë ijagabo no mïnglik mongnam hëm ngo iling mongkë, nogë mïnglik nam hëm ngo idëbo mïngdë nakë, nom ngo ongye tang ramkë.

¹⁵Onisimos gë ajigo nom inyonam hë maï ongye geykulong nokë dakola dabëng nanëbo ibokenkë. ¹⁶Holoka hëja galo nyëpak nyumku mongkë, nyëpak hëm pooyongnë ngulugë nïro bo Kristo gala idë kukë, ko ngogë

bodey poodëkë, nokë bo Pïnë gala niro bolong ajenbo igeylong haryong bo pooyë kuteykë.

¹⁷Hëbë igeylong no ngom ajen hë miing bëning ngom ichombo no kom sin longrik tokuka. ¹⁸Holoka ko nom imurnam go daja gabo, holoka igong nam go daja gabo, no ngogë aminbo etpa tolongka. ¹⁹Pool ngo si higë sum ngo atogë alok nïng modë naakë, ngo nom gongkuyo, holoka nogë ngom gongsë hëm ngo benpong bapmong kë, heygo igeylong hëbëning nogë Jisu mey chenke hë ngogë gakë. ²⁰Hëbë igeylong Kristo gala ngogë niro hë, Pïnë gë aminbo no ngom henpo moyëtey mïngdë naakë.

²¹Ngogë bennam hëm no taayëtey mïnggeylong si higë sum ngo modë nakë, holoka ngogë bennam hëmsin haryongbo no iyëtey mïngdë nakë.

²²Holoka akoda, no ngom dagëng gosin rungpa bika, mënno këbang gë dïikoga ngo mënno gë dakola lakoda ongto kutey mïngda.

Pool gë juu yongchup la bennam hë

²³Ngo apom si Kristo Jisu gë amin ga patëk la danë Ipaparas sin nom poobo dato longkë hëdë kë. ²⁴Holoka ngogë leygë ijen Mark long Aristarkus long Dimas long Luk malu sin nom poobo dato longkë hëdë kë.

²⁵Pïnë Jisu Kristo gë aiamar nam hë nogë yalo apom la daneyka.